

Es chunt guet

© Mirja 2008

Du geisch nöi Wäge, sprängsch Dini Gränze
Entdecksch ganz nöi Gfüel
Hesch aui Müglicheite, Dis Läbe z'entscheide
U plötzlech wird's Dir z'viu

Es chunt scho guet
Zu Dir wird gluegt
Jedä überchunt nume so viu
Wi n er ma trage
Es chunt scho guet
Häb nume Muet
Befrei Di vo au denä Zwiifu
Wo Di plage
Es chunt scho guet

Du entdecksch nöi Gwässer, weisch nid ob chasch schwümme
Aber springsch ganz eifach dri
Nimmsch a, was dert wartet, o we's vilech weh tuet
U wachsisch derbi

Refrain

Du bisch dankbar u glücklech, das aues isch Dis
U Du darfsch es eifach nä
U i däm das es nimmsch, u Dis Läbe bestimmsch
Chasch ds Glück witergä

Refrain